

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **72 (2010)**

Heft 2: **Portfolio in der Schule**

PDF erstellt am: **11.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Purtret TERAPIA PSICOMOTORICA (TPM)

La TPM sedrezza ad affons cun in retard da svilup ella psicomotorica. Ils affons crodan si el cumportament social, emotional ni ella cumpetenzza da moviment (p.ex. problems da concentraziun, dalla motorica da scriver, singularitads el secumportar etc.)

Vegliadetgna dils affons

Dil 2. onn da scoletta tochen la fin dalla 9. classa.

Gruppa da destinatars

Alla TPM vegnan per exempel affons cun singularitads

- el svilup motoric (motorica groppa e fina, tenuta dil tgierp, tonus)
- el cumportament da giug, ella tenuta da lavur (motivaziun, atenziun, concentraziun, perseveronza)
- ella percepziun (recepziun ed elavuraziun dad informaziuns)
- el svilup psicosozial (segirtad da sesez, autonomia, iniziativa e controlla persunala, cumpetenzza sociala)
- egl ambient social (en scoletta, en scola, isolaziun, negligentscha)
- differentas da svilup (CP ni POS/ADS/ADHS)
- etc.

Annunzia

Las annunzias dad affons per la TPM vegnan fatgas tier il biro administrativ a Cuera ni tier las vischnauncas da pilot. Annunziar ils affons san ils geniturs, ni cun lur consentiment era autras persunas dil fatg (scolastAs, mussadras, miedis etc.).

Sclariment

In sclariment cuozza sil pli tschun uras. El secumpona suandontamein:

- sclariment tier igl affon
- discuors cun ils geniturs, scolastAs/ mussadras ed autras persunas dil fatg
- damonda da finanziaziun

Il sclariment ha liug ella regla al post regiunal dalla Fundaziun Survetsch Ortopedagogic dil Grischun.



Finanziaziun

La finanziaziun succeda tochen la fin dil 2010 tras igl Uffeci per la scola populara ed il sport. Per ils geniturs ei la mesira senza cuosts. La damonda per la promoziun el sector spezial dalla TPM vegn fatga per in onn. En cass motivai sa la TPM vegnir prolunghida per in onn.

Terapia/Promoziun

La promoziun ella TPM ha liug ina gada, ni en cass motivai, duas gadas ad jamna. Igl affon vegn promovius persuls ni en ina gruppa pintga pil pli ella stanza da TPM dil Survetsch Ortopedagogic regional ni era en scola.

La spezialista per la TPM porscha moviment e material (urdeins) adequau en giugs e situaziuns d'emprender libras e menadas.

Collavuraziun cun geniturs

La lavur cun geniturs ei ina gronda incumbenza dalla TPM. Tier quella audan suandonts pensums:

- sensibilisaziun dils geniturs per ils problems spezials da lur affon
- encurir ensemen cun els sligiaziuns, co ins sa ir entuorn cun las ressursas sco era cun las singularitads digl affon el mintgadi.

Collavuraziun interdisciplinara

Discuors denter la spezialista dalla TPM e las persunas d'instrucziun ni autras persunas spezializadas involucadas han liug regularmeim duront il decuors dalla terapia. Ils discuors san haver liug tut tenor giavisch singuls ni alla meisa rodonda. Ils geniturs prendan ella regla part a quels discuors.

Extrada

La spezialista dalla TPM decida tenor arguments professionals ed en convegnientscha cun ils geniturs sur dalla finiziun dalla TPM. Ella informescha tut las persunas spezializadas involucadas.

Criteria pusseivels per la finiziun dalla TPM san esser:

- las finamiras ein contonschidas
- in'otra mesira ha prioritad
- ils geniturs e/ni la spezialista dalla TPM sedecidan per ina finiziun anticipada dalla terapia.

Scolaziun specificada

La spezialista per la TPM porscha formaziuns suplementaras per persunas d'instrucziun sco era per autras persunas interessadas.

Adressa da contact

Survetsch Ortopedagogic dil Grischun
Aquanasastrasse 12, 7000 Cuera
Tel: 081 257 02 80, info@hpd-gr.ch
www.hpd-gr.ch